

6089| R. Ut ius dicatur e lege dicta praedibus | et praedis vendundis. |

LXV. Quos praedes quaeque praedia quosque cognitores IIviri municipii Flavi Malacitani h. l. vendiderint, de iis quicumque | i. d. p.⁴³, ad quem de ea re in ius aditum erit, | ita ius dicto iudiciale dato, ut ei, qui | eos praedes cognitores ea praedia mercati erunt, praedes socii⁴⁴ heredesque eorum | isque⁴⁵, ad quos ea res pertinebit, de is rebus | agere easque res petere persequi recte possit.

R. De multa, quae dicta erit. |

LXVI. Multas in eo municipio ab IIviris praefectove dictas, item ab aedilibus quas aediles dixisse se apud IIviros ambo alterve ex is professi erunt, IIvir, qui i. d. p.⁴³, in | tabulas communes municipum eius municipi referri iubeto. Si cui ea multa dicta | erit aut nomine eius alius postulabit, ut | de ea ad decuriones conscriptosve referatur, de ea decurionum conscriptorumve iudicium esto. Quaeque multae non | erunt iniustae a decurionibus conscriptisve iudicatae, eas multas IIvir | in publicum municipum eius municipii redigunto. |

R. De pecunia communi municipum | deque rationibus eorundem. |

LXVII. Ad quem pecunia communis municipum | eius municipi pervenerit, heresve eius, isve ad quem ea res pertinebit, in diebus XXX proximis, quibus ea pecunia | ad eum pervenerit, in publicum municipum eius municipi eam referto. Quique rationes communes negotiumve quod commun[e] municipum eius municipi gesserit tractaverit, is, heresve eius⁴⁶ | ad quem ea res pertinebit, in diebus XXX | proximis, quibus ea negotia easve rationes gerere tractare desierit quibusque | decuriones conscriptique habebuntur, | r[ati]ones⁴⁷ edito redditique decurioni-[b]us conscriptisve cuive de his accipiendis cognoscendis ex decreto decurionum conscriptorumve, quod decretum | factum erit cum eorum partes non minus quam duae tertiae adessent, negotium datum erit. Per quem steterit, q. | m. ita pecunia redigeretur referetur quo minus ita rationes redderentur, is, per quem steterit q. m. rationes | redderentur quo minus pecunia redigetur referret[ur], heresque eius isque ad quem ea res qua de agitur pertinebit, q. e. r.⁴⁸ | erit, tantum et alterum tantum municipibus eius municipi d. d. e., eiusque pecuniae deque ea pecunia municipum municipii Flavi Malacitani <eius ea pecunia | municipum Flavi Malacitani>⁴⁹ qui volet cuique per h. l. licebit actio petitio persecutio esto. |

43) *Iure dicundo praeerit.* — 44) Cf. Cic. pro domo 48, 48: *praedem solum.* —

45) *Ser. iisque.* — 46) *Insere isve.* — 47) *rniones aes.* — 48) *Quanti ea res.* —

49) *Quae uncis inclusimus, orta sunt ex dittographia.*